

Ahmad Zharif terima pingat emas

SERDANG 17 Feb. – Ahmad Zharif Arbi dipilih sebagai penerima pingat emas Pusat Asasi Pertanian (Asper), Universiti Putra Malaysia (UPM) pada majlis Penyampaian Sijil Asasi Sains Pertanian di sini baru-baru ini.

Beliau dipilih berikutan keputusan Purata Nilai Gred Kumulatif (PNGK) 3.85 yang diperolehnya.

Katanya, beliau akan memberi tumpuan dalam bidang penyelidikan yang berkaitan dengan pertanian untuk mengejar cita-citanya menjadi saintis pertanian terkemuka.

Chitra Ratna Ee Kong pula dipilih sebagai penerima Hadiah Anugerah Pelajaran Asper.

Sementara itu, Timbalan Naib Canselor Akademik dan Antarabangsa UPM, Prof. Datin Paduka Dr. Aini Ideris berkata, Program Asasi Sains Pertanian itu merupakan satu-satunya program yang terdapat di negara ini.

“Program Asper ini adalah persediaan sebelum mengikuti program ijazah dalam bidang pertanian dan agro-bio bagi menyumbang keperluan tenaga profesional dan sumber tenaga sektor pertanian dan perladangan,” katanya.

Dalam majlis tersebut, sebanyak 114 orang pelajar dianugerahkan Sijil Asasi Sains Pertanian dengan 59 orang pelajar menerima Sijil Kepujian Pengarah.